



**TAJUK KHUTBAH JUMAAT**

Siri: 05/2023

**AMARAN TERHADAP ORANG YANG  
MENGABAIKAN SOLAT**

**12 Rejab 1444 H**

*Bersamaan*

**3 Februari 2023**

DIKELUARKAN OLEH:

**JABATAN HAL EHWAL AGAMA  
TERENGGANU**

**PERINGATAN:**

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

## KHUTBAH PERTAMA

الْحَمْدُ لِلَّهِ الْقَائِلِ: وَأَقِيمُوا الصَّلَاةَ وَآتُوا الزَّكَاةَ وَارْكَعُوا مَعَ الرَّاكِعِينَ  
وَأَشْهَدُ أَنْ لَا إِلَهَ إِلَّا اللَّهُ الْمَلِكُ الْحَقُّ الْمُبِينُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ  
أَفْضَلُ الْخَلْقِ أَجْمَعِينَ،

اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ أَشْرَفِ الْأَنْبِيَاءِ وَالْمُرْسَلِينَ، وَعَلَى  
آلِهِ وَأَصْحَابِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ،  
أَمَّا بَعْدُ فَيَا عِبَادَ اللَّهِ اتَّقُوا اللَّهَ وَأَطِيعُوهُ لَعَلَّكُمْ تُرْحَمُونَ.

مَعَاشِرَ الْمُسْلِمِينَ رَحِمَكُمُ اللَّهُ،

Marilah kita sama-sama berusaha meningkatkan ketakwaan dan ketaatan kepada Allah s.w.t dengan memastikan segala suruhan-Nya dilaksanakan dan segala larangan-Nya ditinggalkan. Antara suruhan yang wajib dilaksanakan dan haram diabaikan ialah solat fardhu lima waktu.

Mimbar jumaat pada hari ini akan membicarakan tajuk:

**"Amaran Terhadap Orang Yang Mengabaikan Solat"**

## Sidang Jumaat Yang Dirahmati Allah Sekalian!

Solat merupakan salah satu rukun Islam yang lima, diwajibkan ke atas setiap orang mukallaf. Solat juga merupakan ibadat yang terpenting dalam Islam, kerana ia sebagai tiang agama. Tanda kemantapan Islam dalam jiwa seseorang insan itu ialah dengan menjaga solat fardu lima waktu, tanpa solat tersebut mudahlah seseorang itu terjerumus ke dalam lembah maksiat, yang boleh merosakkan akidah, syariah dan akhlaknya. Sabda Rasulullah SAW:

العَهْدُ الَّذِي بَيْنَنَا وَبَيْنَهُمُ الصَّلَاةُ، فَمَنْ تَرَكَهَا فَقَدْ كَفَرَ.

(رواه أحمد، والنسائي، والترمذي، وابن حبان)

**Maksudnya:** "Sesuatu yang boleh membezakan antara kami (orang Islam) dan antara mereka (orang-orang kafir), ialah solat. Oleh itu sesiapa yang meninggalkannya (dengan mengingkari kewajipannya) maka sesungguhnya dia telah menjadi kafir."

Baginda bersabda lagi:

إِنَّ بَيْنَ الرَّجُلِ وَبَيْنَ الشِّرْكِ وَالْكَفْرِ تَرَكَ الصَّلَاةَ.

(رواه مسلم)

**Maksudnya :** "Sesungguhnya yang membezakan antara seorang (muslim) dengan seorang yang syirik dan kafir itu ialah meninggalkan solat."

Saidina Umar RA pula pernah berkata yang bermaksud:

“Sesungguhnya urusan kamu yang paling penting di sisiku ialah solat, oleh itu sesiapa yang memelihara solat, ia telah memelihara agamanya dan sesiapa yang mensia-siakannya, maka bagi yang lain daripada solat adalah lebih mudah untuk disia-siakan dan tidak ada habuan dalam Islam bagi orang yang meninggalkan solat”.

### **Sidang Jumaat yang berbahagia**

Didiklah ahli keluarga kita menghayati ajaran Islam dan menzahirkan syiarnya, dengan memelihara ibadat solat fardhu lima waktu dan melaksanakannya dengan sempurna, jangan sekali-kali membiarkan mereka mengabaikannya, kerana Allah SWT telah memberi amaran keras terhadap orang-orang yang mengabaikan solat dengan firman-Nya dalam surah Mariam ayat 59:

فَخَلَفَ مِنْ بَعْدِهِمْ خَلْفٌ أَضَاعُوا الصَّلَاةَ وَاتَّبَعُوا الشَّهْوَاتِ فَسَوْفَ يَلْقَوْنَ غِيًّا ﴿٥٩﴾

**Maksudnya:** “Kemudian mereka digantikan oleh keturunan-keturunan yang mencuaikan solat serta menurut hawa nafsu (dengan melakukan maksiat); maka mereka akan menghadapi azab (dalam neraka)”.

Dan Firman-Nya dalam surah al Ma’un ayat, 4 dan 5:

فَوَيْلٌ لِلْمُصَلِّينَ ﴿٤﴾ الَّذِينَ هُمْ عَنْ صَلَاتِهِمْ سَاهُونَ ﴿٥﴾

**Maksudnya:** “Maka kecelakaan besar bagi orang-orang ahli solat (iaitu) mereka yang berkeadaan lalai daripada menyempurnakan solatnya”.

## Sidang Jumaat yang diberkati Allah sekalian:

Antara bahaya dan azab yang akan menimpa orang-orang yang meninggalkan solat ialah:

**Pertama:** Mudah untuk terjerumus ke dalam perkara maksiat dan syirik kepada Allah yang menyebabkan jadi kafir, sebagaimana yang tersebut dalam hadis-hadis tadi.

**Kedua:** Tidak mendapat perlindungan Allah dan Rasul-Nya. Sabda Rasulullah SAW:

مَنْ تَرَكَ الصَّلَاةَ مُتَعَمِّدًا فَقَدْ بَرَّتْ مِنْهُ ذِمَّةُ اللَّهِ وَرَسُولِهِ

(رواه أحمد)

**Maksudnya:** "Sesiapa yang meninggalkan solat dengan sengaja maka dia terlepas dari jaminan dan perlindungan Allah serta Rasul-Nya." (H.R. Ahmad)

**Ketiga:** Segala amal kebajikannya tidak akan diterima oleh Allah. Sabda Rasulullah SAW:

إِنَّ أَوَّلَ مَا يُحَاسَبُ بِهِ الْعَبْدُ يَوْمَ الْقِيَامَةِ مِنْ عَمَلِهِ صَلَاتُهُ، فَإِنْ صَلَحَتْ فَقَدْ أَفْلَحَ وَأَنْجَحَ، وَإِنْ فَسَدَتْ فَقَدْ خَابَ وَخَسِرَ.

(رواه الترمذي، وأحمد، وأبو داوود، وابن ماجه)

**Maksudnya:** "Sesungguhnya perkara pertama yang akan dihisab pada diri seseorang hamba pada hari akhirat daripada amalnya ialah solatnya. Oleh itu jika solatnya baik (sempurna), maka dia akan berjaya dan menang, dan jika solatnya rosak (tidak betul) maka dia akan rugi dan menyesal."

**Keempat:** Orang Islam yang meninggalkan solat, darahnya tidak dihormati di sisi Islam dan pihak pemerintah boleh mengenakan hukuman ke atasnya. Sabda Rasulullah SAW:

"أُمِرْتُ أَنْ أُقَاتِلَ النَّاسَ حَتَّى يَشْهَدُوا أَنْ لَا إِلَهَ إِلَّا اللَّهُ وَأَنَّ مُحَمَّدًا رَسُولُ اللَّهِ، وَيُقِيمُوا الصَّلَاةَ وَيُؤْتُوا الزَّكَاةَ، فَإِذَا فَعَلُوا ذَلِكَ عَصَمُوا مِنِّي دِمَاءَهُمْ وَأَمْوَالَهُمْ إِلَّا بِحَقِّ الْإِسْلَامِ وَحِسَابُهُمْ عَلَى اللَّهِ تَعَالَى".

(رواه البخاري ومسلم)

**Maksudnya:** "Aku diperintahkan untuk memerangi manusia hingga mereka bersaksi bahawa tidak ada Tuhan selain Allah dan bahawa Muhammad adalah Rasulullah, mendirikan solat dan menunaikan zakat. Jika mereka melakukan hal itu, maka darah dan harta mereka akan dilindungi, kecuali dengan hak Islam dan perhitungan mereka adalah hak Allah SWT ".

**Kelima:** Orang Islam yang meninggal solat tidak ada baginya cahaya, hujah dan keselamatan, malah dia akan bersama-sama dengan Firaun, Qarun dan lain-lain di dalam Neraka nanti.

Sabda Rasulullah SAW yang bermaksud:

"Sesiapa yang memelihara solatnya, maka solatnya itu akan menjadi cahaya baginya, dan hujah serta keselamatan pada hari kiamat. Dan sesiapa yang tidak memelihara solatnya, maka tidak ada baginya cahaya, hujah dan keselamatan, malah pada hari kiamat dia akan (dihumban ke dalam neraka) bersama-sama dengan Qarun, Firaun, Haman dan Ubaiy bin Khalaf."

(H.R. Ahmad, al Tobaroni dan Ibnu Hibban)

**Keenam:** Orang yang meninggalkan solat hilang keberkatan dalam hidupnya, malah sentiasa hidup dalam kesempitan dan kegelisahan.

Firman Allah dalam surah Toha, ayat 124:

وَمَنْ أَعْرَضَ عَن ذِكْرِي فَإِنَّ لَهُ مَعِيشَةً ضَنْكًا وَنَحْشُرُهُ يَوْمَ الْقِيَامَةِ أَعْمَى ﴿١٢٤﴾

**Maksudnya:** "Dan sesiapa yang berpaling ingkar dari ingatan dan petunjuk-Ku, maka sesungguhnya adalah baginya kehidupan yang sempit, dan Kami akan himpulkan dia pada hari kiamat dalam keadaan buta".

**Sidang Jumaat sekalian!**

Mengabaikan kewajipan solat bukan sahaja mengakibatkan kehidupan dunia dan akhirat terjejas, bahkan dari segi perundangan, ia dianggap sebagai satu kesalahan jenayah syariah yang boleh dikenakan tindakan undang-undang.

Menurut seksyen 16, Enakmen Kesalahan Jenayah Syariah (Takzir) Terengganu 2001, Bahagian III, kesalahan yang berhubung dengan kesucian agama islam dan institusinya iaitu kesalahan "Tidak menunaikan solat Jumaat" menyatakan:

Mana-mana orang lelaki yang mukallaf, yang tidak menunaikan solat Jumaat di masjid kecuali terdapat keadaan-keadaan yang dibenarkan oleh Hukum Syara' adalah melakukan kesalahan dan apabila disabitkan boleh didenda tidak melebihi tiga ribu ringgit atau dipenjarakan selama tempoh tidak melebihi dua tahun atau kedua-duanya. Manakala dalam seksyen 18, iaitu kesalahan "Tidak menunaikan solat fardu" pula menyatakan:

Mana-mana orang yang mukallaf yang tidak menunaikan solat fardu tanpa keuzuran syarie adalah melakukan suatu kesalahan dan apabila disabitkan boleh didenda tidak melebihi lima ribu ringgit atau dipenjarakan selama tempoh tidak melebihi tiga tahun atau kedua-duanya.

### **Sidang Jumaat yang dimuliakan Allah sekalian!**

Kesimpulannya, jagalah solat fardhu lima waktu, jangan sekali-kali meninggalkannya, semoga kehidupan kita diberkati Allah. Belajarlah ilmu mengenai hukum hakam yang berkaitan dengan solat supaya dapat melaksanakannya dengan sempurna, kerana orang yang melakukan solat secara tidak betul adalah seumpama orang yang meninggalkan solat juga.

أَعُوذُ بِاللَّهِ مِنَ الشَّيْطَانِ الرَّجِيمِ

يَأْتِيهَا الَّذِينَ ءَامَنُوا قَوًّا أَنفُسِكُمْ وَأَهْلِيكُمْ نَارًا وَقُودُهَا النَّاسُ وَالْحِجَارَةُ عَلَيْهَا مَلَائِكَةٌ

غَلَظٌ شِدَادٌ لَا يَعْصُونَ اللَّهَ مَا أَمَرَهُمْ وَيَفْعَلُونَ مَا يُؤْمَرُونَ ﴿٦﴾

**Maksudnya:** “Wahai orang-orang yang beriman! Peliharalah diri kamu dan keluarga kamu dari neraka yang bahan-bahan bakarannya: manusia dan batu (berhala); neraka itu dijaga dan dikawal oleh malaikat-malaikat yang keras kasar (layanannya); mereka tidak menderhaka kepada Allah dalam segala yang diperintahkan-Nya kepada mereka, dan mereka pula tetap melakukan segala yang diperintahkan”.

(Surah at Tahriim : ayat 6)

بَارِكْ اللَّهُ لِي وَلَكُمْ فِي الْقُرْآنِ الْعَظِيمِ.

وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ.

وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ

وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ

فَأَسْتَغْفِرُوهُ إِنَّهُ هُوَ الْغَفُورُ الرَّحِيمُ.

## **KHUTBAH KEDUA**

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ  
سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ، وَعَلَى آلِهِ  
وَأَصْحَابِهِ أَجْمَعِينَ.

أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

### **Sidang Jumaat yang dikasihi.**

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا  
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا  
مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ، إِنَّكَ  
حَمِيدٌ مَجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ وَالْأَمْوَاتِ،  
إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ اذْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ اشْفِ  
مَرْضَانَا وَارْحَمْ مَوْتَانَا، وَالطِّفْ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ السُّلْطَانَ  
مَحْمُودِ الْمُكْتَفِيِّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ زَاهِرَةَ، سُلْطَانَةَ  
تَرَغْكَانُو.

وَاحْفَظْ أَوْلَادَهُ وَأَهْلَهُ وَرَعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ، بِرَحْمَتِكَ  
يَا أَرْحَمَ الرَّاحِمِينَ.

اللَّهُمَّ احْفَظْ وَلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ زَيْنِ  
الْعَابِدِينَ.

Ya Allah, wahai Zat Yang Maha Pengasih.

Hindarilah kami daripada segala malapetaka, bala bencana dan wabak penyakit, daripada kekejian dan kemungkaran, daripada pelbagai persengketaan, kekejaman dan huru hara, daripada kesulitan dan kesengsaraan, yang nampak mahupun yang tersembunyi.

Sesungguhnya Engkau Maha Berkuasa atas segala sesuatu.

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.  
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.  
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

أذْكُرُوا اللهَ الْعَظِيمَ يَذْكُرْكُمْ، وَأَشْكُرُوهُ عَلَى نِعَمِهِ يَزِدْكُمْ،  
وَلَذِكْرُ اللهِ أَكْبَرُ، وَاللهُ يَعْلَمُ مَا تَصْنَعُونَ.  
□ قُومُوا إِلَى صَلَاتِكُمْ، يَرْحَمَكُمُ اللهُ.